

# Tússtöfluveggfóður fyrir skjávarpa

## Lítill gljái fyrir minna endurkast

### Smart Whiteboard Wallpaper – Low Sheen Projection

Þetta hágæða tússtöfluveggfóður gerir þér kleift að umbreyta vegg í tússtöflu sem nýtist einnig sem myndflötur fyrir skjávarpa. Það er einfalt í uppsetningu og er notað eins og hefðbundin tússtafla og skjáttjald. Tússtöfluveggfóðrið getur bætt skilvirkni á vinnustaðnum verulega með litlum tilkostnaði því þannig má komast hjá því að kaupa dýrar og fyrirferðarmiklar dýrar tússtöflur og upphengd skjávarpatjöld.

Notaðu skjávarpa til að sýna kynningar, myndir og myndbönd beint uppá vegg. Á sama tíma er hægt að skrifa og teikna á vegginn til að styðja sköpun, bæta afkastagetu og samstarf á vinnusvæðinu. Tússtöfluveggfóðrið virkar með öllum skjávörpum; hefðbundnum sem hágæða útgáfum, 4K upplausn og 3D skjávörpum. Með þessu veggfóðri er hægt að komast hjá því að kaupa dýrar og fyrirferðarmiklar, dýrar tússtöflur og upphengd skjávarpatjöld.

Fyrir enn fleiri möguleika er einnig hægt að skoða segulmagnaða tússtöfluveggfóðrið fyrir skjávarpa.

- 10 ára ábyrgð
- Engin skugga- eða blettamyndun
- Pakkinn inniheldur verkfæri sem þarf til uppsetningar
- Má nota með öllum tússpennum, efnum og verkfærum ætluð hefðbundnum tússtöflum
- Hægt að hengja upp veggfóðrið lóðrétt eða lárétt, jafnvel á sveigða vegg
- Mælt er með að fagmaður komi að uppsetningu
- Segulkraftur: heldur uppi 3-4 A4 blöðum
- Tilbúið til notkunar eftir 24 klst
- Laus við leysiefni, isocyanates og VOC (rokgjörn lífræn efni)
- Brunavottun frá Fire – Euroclass B

### Tæknilegar upplýsingar

Flatarmál / Stærð / Þyngd

10 m<sup>2</sup> / 1.22 m x 8.25 m / 6 kg

5 m<sup>2</sup> / 1.22 m x 4.12 m / 3 kg

2 m<sup>2</sup> / 1.22 m x 1.64 m / 2.5 kg

Litur: Hvítt

Gljái: Hálfglans (41 GU við 60°)



Endurkast skjáljóss (Gain Value): 1.1 við 120°

Þykkt veggfóðurs: 0.30 mm

Lýsing: Venjuleg stofubirta

Vinnsla: Tússtafla með flöt sem skilar frá sér björtum og skýrum myndum í hágæða upplausn frá skjávarpa

VOC: Laus við VOC, leysiefni og isocyanates

Vottanir: Fire - Euroclass B

Viðeigandi fletir: Veggir, gifs, steypa, viður, málmur, hurðir og allir sléttir fletir

### **Innihald pakka**

#### Í 10 m<sup>2</sup> og 5 m<sup>2</sup> pakkanum:

1 x Tússtöfluveggfóður fyrir skjávarpa

1 x Límmiði

1 x Veggfóðursspaði

1 x Par hanskar

1 x Örtrefja-töflupúði

1 x Leiðbeiningabæklingur

#### Í 2 m<sup>2</sup> pakkanum:

1 x Tússtöfluveggfóður fyrir skjávarpa

2 x Límtúpur

1 x Örtrefjaklútur

1 x Leiðbeiningabæklingur

### **Verklýsing**

- Passið að fá ekki brot eða krumpur í veggfóðrið og notið hanska við uppsetningu
- Verjið gólfið með plasti eða öðru viðeigandi yfirbreiðsluefni. Verjið nægan flöt til að hægt sé að leggja veggfóðrið á gólfið til að mæla og skera
- Fjarlægjið gamalt veggfóður, veggfóðurslím eða lausa málningu af fletinum
- Tryggið að flöturinn sé sléttur, fyllið í holur eða sprungur með viðeigandi spartli og þússið ójafna fleti með sandpappír



- Þrífið flötinn vel. Mælt er með að þrífa vegginn með fituhreinsi, t.d. Málartvätt frá Nordsjö
- Ómálaða eða gljúpa fleti skal grunna með vatnsþynntum grunni. Leyfið grunninum að þorna áður en uppsetning hefst
- Mælt er með að setja veggfóðrið upp lárétt yfir vegginn og byrja fyrir miðju veggjarins
- Mælið 1.22 m frá gólfinu og notið blýant til að merkja lárétta línu yfir vegginn. Þetta afmarkar neðri endann af fyrsta renningi veggfóðursins
- Leggið veggfóðrið á yfirbreiðsluna á gólfinu þannig að bakhliðin snúi upp
- Mælið veggfóðrið að þeirri lengd sem óskað er og skerið með dúkahníf eða klippið með beittum skærum. Mælt er með að hafa alla veggfóðursrenninga tilbúna áður en límið er borið á vegginn
- Þynnið límið 10% með vatni og hrærið vel
- Berið á tvær umferðir af veggfóðurslíminu. Farið létta umferð í fyrstu yfirferð og leyfið líminu að þorna í að minnsta kosti 30 mínútur. Í seinni umferðinni skal bera límið jafnt á með stutthærðri rúllu eða pensli. Leggið svo tilbúna veggfóðursbútinn að blauta líminu
- Til að koma fyrsta renningnum fyrir er best að byrja á því að rúlla veggfóðrinu upp þannig að tússtöfluhliðin snúi út til að tryggja að veggfóðrið krumpist ekki. Byrjið á vinstri enda og leggið neðstu brún veggfóðursins ofan á blýantstrikið 1.22 m frá gólfinu
- Rúllið veggfóðrið þétt og vandlega yfir vegginn. Passið að þrýsta lofti og aukalími undan veggfóðrinu við uppsetningu
- Þegar fyrsta renningi hefur verið komið fyrir skal þrýsta jafnt og þétt yfir veggfóðrið með veggfóðurspaða til að ná öllu lofti undan veggfóðrinu
- Tryggið að veggfóðrið liggi þétt að veggnum og að engar loftbólur sitji eftir áður en er haldið áfram
- Hengið næsta renning upp þannig að brún þess skarist yfir fyrri renning um 2-3 cm
- Gerið línu með blýanti fyrir miðju á brúninni sem skarast yfir
- Skerið með beittum hníf meðfram línunni í gegnum bæði undir- og yfirlögin og fjarlægið auka efnið frá báðum renningum
- Renningarnir ættu nú að mætast. Notið veggfóðurspaðann og þrýstið lóðrétt upp og niður yfir samskeytin til að festa þau saman
- Ef samskeytin eru ójöfn eða ekki alveg þétt að veggnum getur verið gott að lyfta þeim hluta veggfóðursins varlega upp og ýta þeim saman, jafnvel bæta við lími þar undir
- Skoðið yfirborð veggfóðursins og tryggið að flöturinn sé sléttur, rennið þétt yfir með spaðanum og náði öllu lofti og auka lími undan veggfóðrinu áður en haldið er áfram
- Þegar síðasta veggfóðursrenningnum hefur verið komið fyrir skal rýna vel í flötinn til að ganga úr skugga um að hvergi leynist loft undir veggfóðrinu. Notið spaðann til að ýta öllu lofti út við enda veggfóðursins
- Þurrkið yfir allan flötinn með rökum klúti til að hreinsa límleifar og rennið einu sinni enn yfir flötinn til að vera viss um að engar loftbólur séu eftir
- Hlífið veggfóðrinu í 24 klst fyrir notkun
- Þrífið veggfóðrið reglulega með örtrefjahlúti

Leiðbeiningarmyndband: <https://www.youtube.com/watch?v=fftDjHUuFKs>

